


დელეგატები მოსულან,
ოქროს ვარსკვლავთა ციმციმით.
აქ მართო გული კი არა,
თითქოს დარბაზიც იცინის.

პატაკს აძლევენ პარტიას,
პარტიის საქმის ერთგულნი,
შვიდწლედის ხარაჩოებზე
შრომაში გამარჯვებულნი.



№ 2 თბილისი იანვარი 1960

ბუნება

ნიანგის ზონა

ნიანგი სისტემატურად ღებულობს წერილებს გამოქვეყნებულ ფელეტონებსა და კარიკატურებზე. ბევრი ხელმძღვანელი მუშაკი დროულად ეხმაურება კრიტიკულ გამოსვლებს, თბერატიულად სახავს ღონისძიებებს და ნიანგსაც დაუყოვნებლივ უგზავნის პასუხს მიღებული ზომების შესახებ. მაგრამ არიან ისეთი ამხანაგები, რომლებიც დუმილით უვლიან გვერდს გამოქვეყნებულ კრიტიკულ მასალებს. ალბათ, მათ ჰგონიათ, ნიანგი ყველაფერს როგორ გაიხსენებსო და თავს არიდებენ პასუხის გამოგზავნას. ასეთი მუშაკების დუმილს ნიანგი დუმილით ვერ აუვლის გვერდს და მალე სათანადოდ მოიხსენიებს მათ პასუხის დაგვიანების სტაჟის მიხედვით.

ახლა კი ნიანგს სურს მკითხველებს აცნობოს, თუ რა ბედი ეწია 1959 წელს დაბეჭდილ ზოგიერთ კრიტიკულ ფელეტონსა და წერილს.

იშის მიხედვით, რასაც გვწერენ

გასული წლის აგვისტოში ნიანგმა თავის მე-16 ნომერში დაბეჭდა ღია წერილი ახმეტის რაიკოპაკეშირის გამგეობის თავმჯდომარე ამხ. აღ. გოდერძიშვილის სახელზე. წერილში ლაპარაკი იყო რაიონის სავაჭრო ქსელში არსებულ უმსგავსებათა შესახებ.

ამ ერთ წერილზე ნიანგმა სამი პასუხი მიიღო: საქართველოს კ. პ. ახმეტის რაიკომისაგან, ცეკავშირისა და რაიკოპაკეშირის გამგეობისაგან.

რაიკომის წერილში აღნიშნულია, რომ ნიანგის კრიტიკული გამოსვლის შემდეგ გატარებულ იქნა მთელი რიგი ღონისძიებები. ასე, მაგალითად, სამუშაოდან მოიხსნა ახმეტის № 1 სასადილოს გამგე გ. თუნაური, ამავე სასადილოს მებუფეტე ა. კირა-

კოზოვი და მზარეული ვ. ავეტიკოვი; № 2 სასადილოს მებუფეტე ს. კაცაშვილი; მათი პასუხის მიხედვით, სამუშაოდან მოიხსნა აგრეთვე სოფელ ხორხლის კოლმეურნეობის მალაზიის ნოქარი მ. მრელაშვილი. წერილში აღნიშნულია, რომ ადმინისტრაციული სასჯელი დაედო სავაჭრო ქსელის ოთხ სხვა მუშაკს.

ნიანგს ხელთ აქვს ოფიციალური დოკუმენტები და ვერ დაუჯერებს ხმებს, თითქოს, როგორც შეუცვლელი პიროვნება, გ. თუნაური დიდხანს კვლავ მუშაობდა ახმეტის № 1 სასადილოში, ხოლო მ. მრელაშვილი, რომელმაც ორი პირი ტყავი გააძრო ხორხელ კოლმეურნეებს, ბოროტი ენების მიხედვით, ამჟამად მომმარაგებლად მუშაობს და, ცხადა, არავის უნდა გაუკვირდეს, რომ პირველ რიგში თავისი თავი მოამარაგოს. ორაგული მორევში გადააგდესო, ამაზეა ნათქვამი. საქმე ის არის, რომ ნიანგი ყურმოკრულ ამბებს ვერ დაუჯერებს, ისე კი აღ-

გილზე ინახულებს ახმეტელ «გმირებს» და არ მოაკლებს თავის ლოცვა-კურთხევას.

ნიანგი არ ეთანხმება

თელავის საკოლმეურნეო ბაზარში სპეკულანტების «მოღვაწეობას» ეხებოდა ნიანგის მე-18 ნომერში დაბეჭდილი წერილი «ჩემი აღსარება».

ამ საკითხზე თელავის რაიონის მშრომელთა დეპუტატების რაისაბჭოს აღმასკომის თავმჯდომარე ამხ. აღ. ბატიაშვილი გვწერს: «გაცნობებთ, რომ ჩვენს მიერ მიეცა მითითება საკოლმეურნეო ბაზრის დირექციას აეკრძალა ბაზარზე კოლმეურნეების მიერ შემოტანილი ყველის გაყიდვა. ამჟამად კოლმეურნიდან მოტანილი ყველის გაყიდვას საკოლმეურნეო ბაზარზე აწარმოებს რაიკოპაკეშირის საკომისიო მალაზიები».

ნიანგი არ ეთანხმება ასეთ ღონისძიებას. განა შეიძლება სპეკულანტებს იმით ვებრძოლოთ, რომ კოლმეურნეებს ავუკრძალოთ თავიანთ საკოლმეურნეო ბაზარში ვაჭრობა?!

პასუხები და დაპირებები

ნიანგმა თავის 22-ე ნომერში დაბეჭდილ კრიტიკულ წერილებზე სამი სხვადასხვა ორგანიზაციიდან მიიღო პასუხი. საქართველოს სსრ კავშირგაბმულობის მინისტრის მოადგილე ამხ. კ. ქავთარაძე გვწერს, რომ ფაქტები, რომლებიც მოყვანილია წერილებში «ვინ წაიკითხავს», «ბართი ნიანგს» და «ძვირფასო ნიანგო» მთლიანად დადასტურდა. ქსევისტოპოლიდან წნორში ზ. ბენაშვილის სახელზე გამოგზავნილი დეპეშის შეუმოწმებლად და დამახინჯებული სახით გაწვევისათვის კავშირგაბმულობის წნორის განყოფილების ტელეგრაფისტს ლ. ბეჟანიშვილს დაედო ადმინისტრაციული სასჯელი. ადმინისტრაციული სასჯელი დაედო აგრეთვე თბილისის კავშირგაბმულობის მეოთხე განყოფილების ექსპედიტორს ე. ოსიპოვას, რომელმაც არ მიიღო საჭირო ზომები, რომ დროულად ჩაებარებიათ მოქალაქე რ. მეტრეველისთვის მის სახელზე მიღებული დეპეშა.

წერილზე «საყვარელო ნიანგო» დუმილის რაიონის მშრომელთა დეპუტატების რაისაბჭოს აღმასკომი გვატყობინებს, რომ სოფელ კიტონის მასწავლებელთა საცხოვრებელი სახლის რემონტი ჩატარდება 1960 წლის მეორე კვარტალში. რაისაბჭოს მუშაკთა აზრით, კიტონელ მასწავლებლებს მანამდე ეს დაპირებაც გაათბობთ წვიმა-თოვლის დროს, ხოლო ივნისის თვეში, როცა სიცხეები დაიწყება, თუ დაპირება არ დაავწყდათ, ალბათ, სახლსაც შეაკეთებენ.

მკითხველებს ახსოვთ ამავე ნომერში დაბეჭდილი ფოტოდოკუმენტი, სადაც ასახულია სურამის მატარებლიდან მგზავრების გადასვლა თბილისის ბაქანზე ახალი მეტოლით — ფანჯრების მაქსიმალური გამოყენების გზით. ამიერკავკასიის რკინიგზის საგზაო სამსახურის უფროსი ამხ. ა. ჭიბაშვილი გვატყობინებს, რომ მიღებულია საჭირო ზომები, რათა მომავალში არ გა მეორდეს ასეთი ფაქტები.




რჩევა-ღარიბების უმღვი

ნიანგმა თავის ჟურნალის 23-ე ნომერში დაბეჭდა წერილი «რჩევა-ღარიბება გეოლოგიური სამმართველოს მუშაკს ამხ. გურამ ბექუაშვილს». თბილისის მშრომელთა დეპუტატების საქალაქო საბჭოს აღმასკომი გვატყობინებს, რომ წერილში მოყვანილი ფაქტები დადასტურდა. საერთო განყოფილების მუშაკი ნ. გოგიაშვილი, რომლის წერილის ფოტოასლს უკვე იცნობენ მკითხველები, სამსახურებრივი მოვალეობის გულგრილად შესრულებისათვის და მოქ. გ. ბექუაშვილისათვის შეუფერებელი პასუხის თვითნებურად გაგზავნისათვის, განთავისუფლებულია სამუშაოდან.

ნახ. ა. კანდელაკისა



— ხორცს რომ არ ჰკრის, ერთი ამ დანის მოვალეობა გააგებინე თუ კაცი ხარ!
— მაგის მოვალეობაა, მაგიდიდან რომ გადმოვარდება, სტუმარი მოდისო, უნდა თქვათ, ბატონო.



ბობოქარი და დაუდგომელი ცხოვრება აქვს მიხეილ ჩიგოგიძეს. ხშირად იტყვის—აღლევებული და ნერვებაშლილი ვარო.

ბობოქარ ცხოვრებას მრავალგზის გამოიჯნურებული დონ ქუანი და ჩხუბისთავი ტარიელ მკლავაძე ეწეოდა, მაგრამ ორივე მაგარი ნერვების პატრონი იყო. და, თუ მიხეილი გამონაკლისია, ეს იმის გამო, რომ მოწყალე ბუნებამ მისი სახით დონ ქუანი და მკლავაძე ერთად გვაჩუქა.

რა სახის ფათერაკს იტყვი, რომ მიხეილს თავს არ გადახდნოდეს. ჯერ იყო და 1939 წელს ისეთ საიდუმლო საბუთში ჩაიჭყიტა, რომ კინაღამ თვალები აეწვა, მაგრამ ზურგის აწვა ამჯობინეს და მცხეთის რკინიგზის სადგურის უფროსობიდან კასპში მწონავად ჩამოაყენეს. 25 დღის შემდეგ ამა ქვეყნის ზოგიერთ «ძლიერთა» შემწეობით ხაშურში დისპეტჩერად დააწინაურეს, მერე ორი წლით ისევ მცხეთის მოუვლინეს. მერე აქედან თბილისში გადაიხროლეს და 1946 წელს მთლად გამოუზაფხულეს—ისევ მცხეთაში დააბრუნეს უფროსად. ამგვარი გამოზაფხულება უმეტესად გამოიხიზლებას იწვევს, მაგრამ კარგი ნიშანი ყოფაქცევაში ზოგ მოსწავლეს თავბრუს ახვევს. მიხეილსაც თავბრუ დაეხვა, ეს სადგური ჩემი ყოფილაო, თქვა, მწონავი არტაშა სოლოლაშვილი ფეხებზე გაიგდო და იმდენი ურტყა წიხლი, სანამ სულ რაღაც სამი ნეკნი არ ჩაუმტვრია. ევლარაფერი უშველიდა მიხეილს, რომ ცრუმომწე ტატე ბერიკაშვილს და ისევ რკინიგზის სამმართველოს მაშინდელ ხელმძღვანელობას არ ეშველა. ამას რომ მორჩა, ასანთის ფაბრიკის ხელმძღვანელებს დატვირთული ვაგონი წაართვა და პარტიული სასჯელი დაიმსახურა. ასეთი პატარა გამირობისათვის ამოდენა სასჯელი ვის გაუგონიაო, თქვა მიხეილმა და გაბალანსებისათვის რესტორნის დირექტორს გიორგი ბოლქვაძეს ხეთაჟა ყბაში. ამასაც რომ მორჩა, ალექსანდრა კახაძეს მიეჭრა სახლში და ისეთი სილა გაკურა, ქალს ორმაგმა აღმურმა აპკრა—სირცხვილისა და ტკივილისამ.

მოდ და ამდენი ფათერაკების გადაძვივ მიხეილს ჰკითხე, ნერვებაშლილი რატომ ხარო? რა საკითხავია, თუ ვინმემ აღლევების მიზეზიც არ ჰკითხა, ამ კითხვაზე მიხეილი მორცხვობს, მაგრამ უნდა გავცეთ: ღმერთმა მიხეილის სატანჯავად ქალი გააჩინა და ისიც ისე ვერ ჩაუვლის ბანოვანს, რომ არ აღლედეს. პირველი მღელვარება მიხეილმა მარგალიტა ჭავჭავაძისაგან განიცადა. და როცა სახალხო მარცხი განიცადა, ქალს შინ მართლმართო მიეჭრა ღამით. იფრინა მარგალიტამ გამოიხურებული რაინდი, აფორიაქდა სადგური და აღლდა მიხეილი: ქალს მტრად გადაეკიდა და მოსვენებით ცხოვრების სახსარი წაართვა.

ნომერ მერე მიიჯნურდა მიხეილმა მელანია მანჯავიძე აირჩია. როცა მელანიას ქმარი ფრონტზე იბრძოდა, მიხეილი აქ მელანიას უმიჯნურდებოდა. ჯერ ჭორი გაუვრცელა, შ. ბლუაშვილს ეტრფისო, მერე წარმოებისაგან მოუწყვეტლივ ზედ ბაქანზე თვითონ აუხსნა სიყვარული. როცა ამით მელანია ვერ აღლევდა, მიხეილი აღლდა ზღვასავით. მრავალგზის დააძგერა ქალს სიყვარულის ტალღა; მაგრამ ვერ იქნა და ამურის ისარი ვერ მოახვედრა. სამაგიეროდ მუქარა შეასრულა და იმას მიაღწია, რომ ვაგზლის დიქტორობიდან განათავისუფლდა, თავთა დიქტორის ჯინსურში ჩასაფრდა და იქიდან დღით და ღამით ეგვენა კახაძის კიბეს უთვალთვალებდა—იქნებ ვანო ლვინიანიძეს წავასწრო, როცა ამ კიბით ეგვენიასთან შეიპარებაო. ამაოდ «იმორიგა» მიხეილმა, ამაოდ გატეხა

ღამეები. მაშინ მალრატეების ოჯახში ბანიკა გამართა—არტა, წამომყვეთ, ჩემი თვალთ ვნახე, როგორ ავიდა ივანე ეგვენიასთან და მოტრფილევებს თავთა ივანეს ცოლმა თამარმა მიუსწროო. მოჩვენებებს აყოლილი მიჯნური დაამშვიდეს, ვანო თავის სახლშია, თამარიც იქ არის და ეგვენიასთან მისვლა არც უფიქრიათო. რაკი ჭორმა ამჯერადაც არ გაჭრა და კოვზი ნაცარში ჩავარდა, მიხეილმა გადაწყვიტა, ახლა კი თვალეზში ნაცარს ჩავაყრი ჩემს მტრებსო და შავი საქმის გასაკეთებლად ეგვენიას შვილს ელგუჯას თავისი შვილები ვაჟა და ელდარი მიუგზავნა. ამათაც უბოდიშოდ მიახალეს—დედაშენი ვანოს გამოიხურებიაო. შხამმა იმოქმედა და ელგუჯა თავის კარებთან აღესილი ნაჯახით დაელოდა ვანოს. საბედნიეროდ ვანო ლვინიანიძეს ეგვენიასთან კი არა, მის მეზობლებთან მისვლაც არ უფიქრია. მაგრამ რომ შეიძლებოდა ვანო ერთ-ერთ მეზობელთან მისულიყო. მაშინ ის საბედისწერო ნაჯახი კიბეზე თავის საზარელ საქმეს გააკეთებდა და ამით მიხეილს რა შეემატებოდა, ეს თვითონ მიხეილს ეკითხოს.

ამითაც რომ არაფერი გამოვიდა, ელდარმა უფრო ძლიერი შხამი ჩააწვითა ელგუჯას—დედაშენი მარტო ლვინიანიძის კი არა, მამაჩემის საყვარელიც არისო და... აირია ოჯახი. პატარაობაშივე დაობლებული, წვითა და დავით გაზრდილი შვილები, რომელთაგან ეგვენიამ ერთი ექიმი გამოზარდა, ხოლო მეორე—ინჟინერი, გაუდგნენ დედას და ისევ მათს გონიერულობას ვუმაღლოდეთ, რომ ოჯახი ტრაგედიას გადაურჩა.

მაგრამ მიხეილი ვერ გადარჩა ძველ სენს—სხვის საქმეში ზელის ფათურს, და, ცალკე იმისაგან გაბრაზებულმა, როგორ ყველაფერში ფეხი მიცდებო, მცხეთის სადგურს უფრო ღვარძლიანი ჭორი მოვინა—ივანეს და ეგვენიას ხელს როგორ აფარებთ, თავთა ივანე ლვინიანიძის ცოლი თამარიც ჩემი საყვარელიაო.

ზის ახლა მიჯნურობაში ხელმოცარული დონ ქუანი და მცხეთის სადგურს ხელმძღვანელობს. მაგრამ ხელი თუ არ გაქვს, რით უხელმძღვანელებ? ამიტომ მიხეილს მარჯვენა ხელად არაოფიციალური მოადგილე ბიჭკო კალანდაძე ჰყავს, რომელიც დღედაღამ მხოლოდ იმაზე ფიქრობს, თუ რით ასიაშინოს უფროსს.

შეხმატკბილებული მუშაობის შედეგად შარშან, 24 სექტემბერს, კალანდაძემ ურიკა გაუშვა მცხეთიდან. გაუშვა და იმის თქმა დაავიწყდა, ზაპესთან ხაზზე ლეიტერი რომ მუშაობდა. ურქინა ურიკამ ლეიტერს, გადააყირავა და ლიანდაგიდან გადაავლო. ამაზე ვინ რას ეტყოდა მიხეილს, ურიკა მისმა მოადგილემ გაუშვა, მაგრამ კინაღამ მარჯვენა მოაცალეს. მერე დიდი ხათრით აპატიქს კალანდაძეს, როგორც პირველი ცოდვა და სასტიკი საყვედური აკმარეს. ვინ იცოდა, რომ კალანდაძემ პირველად შარშან 30 იანვარს შესცოდა, როცა ამკრეფი მატარებელი ლვინის კასრებით დატვირთულ ვაგონებს ჩიხში დაეჯახა, ათი კასრი დალეწა, ლვინო დააქცია, წინ მდგარი გონდოლა ბურთივით გაისროლა და ასანთის ფაბრიკის სიახლოვეს რგლესში ჩაჩხირა. ამაზე, თქვენიც სუ და მეც სუო, შეეხვეწა კალანდაძე რკინიგზელებს, გონდოლა რა მანქანით ამოათრია, არავინ იცის,

მაგრამ ეს კი ვიცით, რომ რაღაც მანქანებით ეს შემთხვევა რკინიგზის ხელმძღვანელობისაგან დაფარულია. ისიც დაიფარა, რომ ავარიში მოხვედრილი ვაგონი № 707836 ბიჭკომ ისევ ლვინით დატვირთა და მოსკოვისაკენ გაამგზავრა. ვერც ამაზე შეედავებთან მიხეილს, ის იმ დღეს შვებულემაში იმყოფებოდა, მაგრამ იმასაც ხომ ვერ დაფარავს, გზის ხელმძღვანელობამ ორ-სამჯერ ბრძანებით საყვედური რომ გამოუცხადა «მისდამი რწმუნებულ» სადგურში შრომის დისციპლინის შესუსტებისათვის.

სხვა მხრივ სიწყნარეა სადგურში. ეს იმასაც მიეწერება, რომ მეზობელთა უმრავლესობა ღუმს, რადგან ამ უმრავლესობას ან ჩიგოგიძე არ სცემს ხმას, ან ჩიგოგიძეს არ სცემენ ხმას. მეზობლები რომ ერთმანეთს იცნობენ, მხოლოდ იმით შეამჩნევთ, რომ გვერდზე გავლისას ერთიმეორეს გადაუბლევრენ. მხოლოდ გასული წლის ცხრა დეკემბრის ღამეს ერთხელ კიდევ გამოცოცხლდა სადგური, როცა სადისპეტჩეროში მორივე ნატროშვილმა და მიხეილის შვილმა ვაჟამ ცემით გონება დააკარგინეს ლევან სულავას. მის ამხანაგს ოთარ ჯელიას კი ცხვირის ძვლები დაუღწეს.

რას იზამ, კვიცი გვარზე ხტის! მცხეთელების აზრით, ისეთი დიდი გაქანების კაცი, როგორიც მიხეილ ჩიგოგიძეა, ცოდვაა ასეთ პატარა სადგურში მოღვაწეობდეს, სადაც არც ქალებია საკმარისი სიყვარულის ასახსნელად და აღარც კაცები დარჩა ცხვირპირჩასალევი.

მიეცეს ნიჭსა გზა ფართო!

მ. ჯამბაქური



— ჩემ გვგონას უკვირს და ხშირად მეკითხება, დედიკო, თოვლი ხან შავია, ხან თეთრია?



რომელზედა

კლუბის მოვალეობას ასრულებენ, ტბა კი მოსახლეობას ზამთარ-ზაფხულ უწყვეტ მოსახლეობის შიგ კუთხეებში დატოვებენ.

ვინაიდან ამ თითხმები წლის მანძილზე ერთიმეორეს მიყოლებით გამოცვლილი სასოფლო საბჭოს და კოლმეურნეობის შედგენილ თავმჯდომარეთაგან ვაიბში ჯერ არცერთი არ ჩაგარდნილა, ამიტომ არც აბანო დასტრეფილია. სოფელს რომ აბანო და კლუბი სჭირდება, ამ საკითხს განიხილვა უნდა, მაგრამ კლუბი „ჯერჯერობით“ არ დამთავრებულა და საკითხი საღ განიხილო?

შეშარიტად ინგარიშგასაწევი მიწებია, თუ, არ თქმა უნდა, ეს მიწები იმის მიწებზე არ ვახდლება, რომ რაიონში ვინმეს ცხელ აბანოს მოუწყობენ.



ნან. ნ. შალაზანიანის

მზარაობის რაიონის სოფელ ძიბიანის კოლმეურნეობაში (სოფელურაზე) სოციალისტური შრომის გმირი ნ. შალაზანიანი ახლანდელ საკუთარ ხასხასებთან მდინარე სუფსაზე ააგო ხიდი, რომელზე 35 მთლიანი მანეთი დაედა. ახალი ხიდი მალევე და მძებრებელი გზით აკავშირებს ჩოხატაურის, მზარაობის და დან. სულის რაიონებს.



— უარაზან ჩემო, მია ხიდი რომ უყოფილიყო აქნე, მე რომ ცოლი მოვიყვანე გალმა სოფლიდან, შენუ-დედოფალსა და მყარებს სუფის სულში ხომ აღარ მოვიგებებოდა გამოტოვავს!

ქვეყნის ქვეყნის

წ 0 6 6 2

რა ხანია მინდა
მისკიდარი ვიქო
მაგრამ მასზე ფრთა
წლის წაყვანა წინდა.

ბაღმეფიანობის

ქაიანი ჯვარ-ფრადნი,
განა თითო და იროლა,
სრევი მესხის ტიქიან
გაღმეფიან სოლოდას.

შესამდნაძაძე

შეფრება
ხუცხუცხა
დაბრება
...შეფრება.

სანსხრების ბაღმეფიანობის
აღმეფიან ველითა,
ტრამეფიან შოლითა
მეცხეფიან მონაღლითა
ღლითა შირაღლი-წერილითა.

შეკო დვლიძე

ქვეყნის ქვეყნის

როგორც უკვე შეიკვირება, მეც შეჩნდა უღელსა მთლიან ორი ზაფხუ და ამდენივე ზეზა. ამ ტრადიციულ ოთხეულად მთლიან ერთი ზეზა დასხვდა ამ ეფენად. იგი შეიკვირა ორი განსაღლირა. ჩვენ ერთად დავიწყეთ დედა-ქალის სწავლა. მთლიან იმ განსაღლირებში, რომ ზეზა სკოლის ძალით არ დავიწყეთ და ორიანებსაც არავინ უწყობდა.

ზეზის ძალიან შეუფერდა სასოფლო-სოფლის კითხვა. მწიარად უთქვამს ამ დროს ქალიშვილობა მაგინდებდა. მაგრამ, კონკრეტულად რა მიზეზები გაინდებოდა ამაზე დღედა.

ველა ამ სკოლისთან ერთად მას საოცარი შესწავლა გაჩნდა. იმასაც კი მოგონებდა. ნიკოლოზის დროს ტიპის კირას ცხენებზე დედამის რამდენი დღელი გაუშვებდა. ადგილიდანმდელი ვიყავი მისი ნიკორები. მე ცუდაც ვაწარმოებდი მოყოლებული რაივე კირას, ჩავიყრდი და კირისდავე გავაწარმოებინებდი. დედალი კონკრეტულად მისცვდა მისცვდა.

მაგრამ, ზეზა თურმე სხვა რამეზესაც იმასტრეფდა ერთხელ დღეებში უსაფუფრია ამ წილი წლის წინ, აი აქ ამ კარავსთან, ქოცევი მიზნარი და ეს ჩემი უღელსა არ ამოვიო. რამდენს მაგინდა: ვახსოვს, შენ რომ ჩემთვის რატონს სავარჯიშოს ყოფილი დედასა. განსაღლირებოზე მე ამოვიღე ნიკორი. მწიარად მანძილზე, რამდენჯერ ჩამიყვია პირიერი ზეზა კალის მურამისა, ახლა, რამდენჯერ უფსაგულდებანად დავწვლილდებოდა გაბოტულ მურამს. ასე ვარჯიშობდა ზეზა და ვწუხვითი, რომ მისი ნაღელი კონკრეტულად შეჩრდილდებოდა იმ გაღმეფიანობაზე.

დასაბუღოა მალე შეჩნდა. ერთხელ იგინა, იგინა ჩემი აფშავკოსი საცხელი და ვარ მაგინა. სიხარულით ცას ვუწეო, დავიწყებდი მინდი ვერვინა წარსლის სურათებს და ჩვენ ზიადდება ვახსენებოდა.


მაგრამ, ერთხელ პირველ წაშულ ზეზის კარები და დარჩნოდა და კინაღამ დღეობოდა დღეობით. მორევერ, ანებულად ნაფიქრება აფშავკოსისა და კინაღამ ცოცხ, ქვეშ მოვიყვინა ვაიკავა აქარ ასხივდა. საუბრე ვამა თუ არა და ხელ-სურვე მოიარებდა. შემოვიღოდა საშარალოდაც. შუა ორამში ვაწარმებოდა და იყოთხდა: ღმერთო ვახსენებ, რა მინდოდა ახლა შენ. კეთილი—შეგახსენებოდა ჩვენ...—არა—ცოცხი—არა—ახლა. ტყუპალი—არც მაგი. ჩამოვიღოდი, რაც რამ ვაჩნდა რაჯინა და ბოლი გარკვეული. რომ კინის პირტუხიანთი შეჩნდებოდა, რომელს გველის ზეზაზე უქონდა ჩაგებული. ერთი რამ არ ავიწყლებოდა, რომ ამ ბოლი ხეთი წლის მანძილზე უკუნელდავითა იყო.

სულგორის მიხედვებლობის შედეგად—დასწავლის ეფენებმა. მამუე მფიქრებლობის ჩავეყვდილი. გაიკვამრებოდა სკლეროზის წინააღმდეგ; დღეებში ჩამოვი აი კოვრე შეტარს უფრდი. მამაჩემი ვალკოვსა უცხივდა. მე მაიკოვსკის ლექსებს ვაწებებ: მანდი, ბოლის, ნოვოკოსიანს მენარათით ვასახალაგარდებულად. მაგრამ არაფერსა ვაწებო.

და აი, მე, რომელი ერთი დროს მისი ინფორმაციის შესტიერების მტერი ვიყავი. ვეფრადი დღითი ზეზაზემის წინაშე ვფრთხივდებოდა და როგორც ხალხს, ვუხარებოდა: შენი კორმე, ზეზა, მათი სურე. საღ, შენაზე ჩემი უფსაგულდებო?

და, იგი კოლო, მიმდგარა და ჭედივით უჭებია. მუშაობა მაგას არ უნდა და სტეფალი. მამაჩემმა 100 თურქი გამო-მარტოდა ერთი კვირისა მუშაობით. ახლა შემოვიღოდა. ცრტა მამულად ვუბრ ამ მამე. მე მამე. ჩემი კაცი რომ ტყუ-ღანი მთლიან (ქრასთორმეტირბა, მალი ექვწერიანი არ გაანაწირო, ასე მიზნარი. დღეს ერთი მამაჩემი უნდა წაყვდი, მაღის მურბა მინდა მთლიან. აი ცუხრები ღლიან არ ვაიკვირებ? ერთი საითორი ვანილი სუთი მანეთი... ხოთად გაისივდა თავი—მეოტი, მივასტე. გუშინ თაღის საწავლას ვერ ვაგვხარეწე ზამოქრითან, ინ-დურებს სულ გამოებუტაბი გონამეტი. მეინა კინდა გარეე გამო-ვიროლი. ისე გამოვიყვარე კაი ტირეჩერი ვერ მაგინებოდა, ამა ამეულა ინფორ-მის ხომ არ დავცალა და ვაგინ ვეფრება. მაგრამ არ ვამა ვაგინ მამე. დღეს აი ცოცხიან ამბობოდა. მინაზე სტეფილანს მე ერთი. იყავი ამ ზეზა. მე არ მინდა. ზეზაზე, მე მაგინ გამოისარტებს რამე? ვუყრებს ქაიამი შეგამდო. ვაგადალას აღბა ვერამ, მარბოდა რამდენა უყრენ რომ დღერი ვაგამარეწე? რას იყრინ, ბიჭო, ვერი კაი არ, უწყლდ ხომ ვუბრა მინდა. ხალხმრე რომ ცოცხალი იყვეს... აი დღეს სარე მისი ჩამოტანილი პეტრემრდლანს. მაგი და კვლის მორე საათი ვიყავი მამუტაბა. მარბოდა, რომელი საათო? უკმა ვაგინეყვდი, ბიჭო, საათო რომ შეეფრებოდა, ჩემი ვაგარებოდა.

— ხეთის მამაჩემია, ქალბატონი ელიზაბეტა.
— მაღლობი, ნენა, მაღლობი!



— მოელი თვე დავეძებო და ძლივს ვაიპოვო. აქ რამ მოვადგანაო?
— ამერიკული რაკეტო მოვდიოდი და...

მიმდინარე წლის 29 იანვარს სრულდება 100 წელი დიდი რუსი მწერლის ა. პ. ჩეხოვის დაბადებიდან.

ჩეხოვი

ჩამოვიდა

ელვისებური სისწრაფით მოედო სასიხარულო ცნობა მთელს ქალაქს. ჩეხოვი ჩამოვიდა! ხალხმა იხუნვლა, მქუხარე ოვაციებითა და თაიგულებით მიეგება მწერალს. ანტონ პავლოვიჩმა ვაგონის კიბიდან კმაყოფილებით გადაავლო თვალი ხალხით საყვებ ბაქანს და უცებ გაოცებული მწერა განმარტოებით მიუყუწულ ნაცნობ ფიგურებზე შეაჩერა:

— როგორ, ბატონებო, თქვენ ისევ ცოცხლები ხართ?

— ანტონ პავლოვიჩ, გვიშველეთ რამე!— შეკლადღეს მას.

— რაშია საქმე, ბატონებო? დალაგებით მიამბეთ!

გუგუფს გამოეყო შავსათვალეზიანი მოჩვენება, რომელსაც, მიუხედავად იმისა, რომ საჭიროება არ იყო, კალოშები და თბილი პალტო ეცვა, საყელო აეწია და ხელში გაშლილი ქოლგა ეჭირა, იგი წინ წაფორთხდა და მიკნაგებული ხმით დაიწყო:

— მოწყალო ხელმწიფე, ქვეყანა შეიცვალა, «ანტროპოს» გადაგვარდა. დიდი ხანია ჩემი სული შეფოთებულია იმით, რაც ჩემს გარშემო სუფევს— ჩემს საკუთარ ნაჭუჭში, ჩემს ფუტლ არში აღარ მასვენებენ, ადამიანები გამომზურდნენ—თავისუფლად ლაპარაკობენ და მსჯელობენ იმაზე, რაზედაც წინათ ფიქრსაც ვერ ვებედავდით.

— მერე, ბატონო ბელიკოვ, განა ებ ცუდია? რა გაწუხებთ?— კაცი - ფუტლ არში ოდნავ შეყოყმანდა, მერე გამაფრთხილებლად ასწია სალოკი თითი და ჩაილულლულა:

— რა ვიცი, მეშინია, ვაითუ რამე მოხდეს...

— თქვენ, ივან დიმიტრი, თქვენ რაღას უჩივით?

წელში ცხრად მოხრილმა ჩინოვნიკმა გაკვეთილი მუნდირის კალთები დასწურა, ბეცი თვალეზი აახამხამა და დაიწყო:

— მე, თქვენო ბრწყინვალეებო, დროებას, დიას, დროებას ვუჩივი. მართალი ბრძანა ღრმად პატივცემულმა ბერძნულს მასწავლებელმა ველარ იცნობთ ადამიანებს. გახსოვთ, რა დამემართა ცხვირის დაცემინებისათვის—მე ხომ შიშით სული დავლიე, ახლა კი, მე თვითონ ვარ მოწმე, როგორ დააცემინა ერთმა შიკრიკმა მინისტრის წინაშე, მინისტრმა არც კი აგრძობინა შიკრიკს ეს ამბავი. მე ველოდი, რომ მისი კეთილშობილება დაუყოვნებლივ მოხსნიდა მას, ველოდი, რომ თვით შიკრიკი შიშით ჯავრს გადაყვებოდა და, პირიქით, მეორე დღეს შიკრიკმა ჩახველებაც კი გაბედა კაბინეტში. არა, ძალიან გათავებულა ხალხი, ძალიან.


ანტონ პავლოვიჩმა მწერა უნტერ პრიშიბევეზე გადაიტანა.

— თქვენ რაღას იტყვით, ბატონო უნტერ პრიშიბევე?

— მე დავუმატებ, თქვენო მაღალკეთილშობილებო, რკინის ნერვები უნდა პქონდეს ადამიანს, რომ გაუქლოს ამდენი ხალხის ვაშას ძახილს, მიტინგებს, თქვენო ბრწყინვალეებო, თუკინდ ხატზე დავიფიცავ, მე თვითონ ვნახე და, არათუ სდევნის მათ მთავრობა, პირიქით, თვითონ იწვევს ამ მიტინგებს.

ანტონ პავლოვიჩი ღიმილს ველარ ფარავდა პრიშიბევეის აღშფოთებაზე, იგი ხედავდა, რომ მისი

ნახ. გ. ფირცხალავასი



— რას შერები, ბიკო, რამდენი წელია უნდევრსიტეტში სწავლობ, ველარ დამთავრე ამდენ ხანს?

— რა შეჩქარება, დავამთავრებ და პირდაპირ პენსიაზე გავალ.

გმირები დიდი ხნის სამუშეუმო ექსპონატებად გამხდარიყვნენ. მწერალი კარგ ხასიათზე დადგა. ბოლოს პოლიციის ზედამხედველს, რომელიც პირველი წუთიდანვე თვალეზი შეპყურებდა იუბილარს და მის სახეზე ცდილობდა ამოეკითხა, რა ვთქვაო, მიუბრუნდა და პკითხა:

— თქვენ რაღას იტყვით, ბატონო ოჩუმელოვ, თქვენც უჩივით დროებას?

ქამელეონმა შენიშნა, როგორ გაიღიმა მწერალმა უნტეროფიცრის ჩივილზე, იფიქრა, მის კეთილშობილებას მოსწონსო და რიხით განაცხადა:

— აბა რა მოსაწონია, თქვენო ბრწყინვალეებო, ჩვენსთან ხალხი აღარავის უნდა, სამუშეუმო სანახაობად გადავიქცეით. გთხოვთ გვიხსნათ ამ მდგომარეობიდან, აქაც იმიტომ ვართ მოსულნი, რომ...

მაგრამ ამ დროს ქამელეონმა შენიშნა, რომ მწერალმა კოპები შეიკრა და მას მკვდრის ფერი დაედო.

— იმას მოგახსენებდით, თქვენო ბრწყინვალეებო, რომ იმისთვის ვართ მოსულნი, რათა გთხოვოთ, დიას, გულწრფელად შეგვედროთ—მუშეუმიდან არ გამოგვიყვანონ.

მწერალს ჩაეცინა, თავისი გმირები რომ ისეთივე ნანა, როგორიც დატოვა. გადაავლო თვალი ახალ ადამიანებს, რომელნიც წელგამართულნი, ამაყად შესცქეროდნენ ამ უსუსურ არსებებს და კმაყოფილებით თქვა:

— მადლობა უფალს, ბატონებო, რომ ჩემს შრომას უქმად არ ჩაუვლია. უღრმესი მადლობა თქვენც, ჩემო განწირულო გმირებო, იმ დიდი სამსახურისათვის, რომელიც თქვენ ამ ხალხის წინაშე მიგიძღვით, თქვენ მართლაც მუშეუმში უნდა დარჩეთ, სხვაგან არ გედგომებათ.

შემდეგ მიუბრუნდა დამხედურ დელეგაციას და ხალისიანი ხმით მიმართა:

— ბატონებო, დეე წარსული მუშეუმს დარჩეს და ახლა დამათვალეურებინეთ ახალი ქალაქი.

ნახატი გამოცანა

ნახ. გ. ლომიძისა

ზოგიერთი ახალგაზრდა ინსტიტუტის დამთავრების შემდეგ უარს ამბობს რაიონში ხამუშაოდ წახვალაზე თავისი სპეციალობის მიხედვით.



ნაიანგი ბეჭდავს სურათს და მკითხველმა თვითონ აღმოაჩინოს, სად შეაფარეს თავი ინსტიტუტდამთავრებულლებმა.

ირ. უიზიანი




ძვირფასო ნიანგო!

ლაგოლების რაიონის სოფელ აფენში კოლმეურ-ნეობამ ააშენა ახალი ტიპის აბანო. საქმე იმაშია, რომ აბანოს სახურავი არა აქვს, რაც საშუალებას აძლევს სოფლის მცხოვრებლებს ღია ცის ქვეშ მიიღონ ბუნებრივი შხაბები და აბაზანები. აბანო განსაკუთრებული გაცხოველებით მუშაობს წვიმის დროს. ეს ორმაგ ეკონომიას აძლევს სოფელს, ჯერ ერთი იზოგება სახურავის საშენი მასალა, მეორე კი, არ არის საჭირო წყალგაყვანილობა. წყალს პირდაპირ ღმერთი იძლევა.

მიუხედავად ამისა, რაიონული გაზეთის ფოტოკორესპონდენტს ვერ წარმოუდგენია აბანო სახურავის გარეშე. ამიტომ მან გააკეთა ძალიან საინტერესო ფოტოკომპიანია. აილო ხილის დამამზადებელი პუნქტის სახურავი, გადაულო ფოტოსურათი, მიამონტაჟა აბანოს ფოტოსურათს, მოათავსა რაიონულ გაზეთში და მიიღო მშვენიერი სახურავიანი აბანო. საჭიროა სახლის გადახურვის ეს მეთოდი ფართოდ დაინერგოს ჩვენს სოფლებში, იგი საგრძობლად გაზრდის კომუნალური მშენებლობის ტემპებს.

ავენელი



ქმაო ნიანგო!

მდინარე ბორიშელაზე გასადები ხიდი, რომლის მშენებლობა ხუთი წლის წინათ დაიწყო და ჯერ არ დამთავრებულია, სამ სასოფლო საბჭოს: კიცხს, ვარძიას და წყალაფორეთს გააერთიანებს, წელში გამართავს და პირობებს გაუმჯობესებს. მაშინ არც ფოსტა დაიგვიანებს, არც მასწავლებელ კონსტანტინე მახარაძეს დასჭირდება წყალში გადავარდნილი ბავშვის გადაარჩენა, არც კამეჩებს მდინარეში გაჩხერილი მანქანების ამოთრევა, ესე იგი ყველაფერი რიგზე იქნება. მაგრამ ჩვენ აქაურ მცხოვრებლებს არაფერი არ გვინდა, ოღონდ ხიდის მშენებლობის მუშაკები კარგად იყვნენ და ჩვენ დიდი რუსთაველის გენიალური სტრუქტურებითაც იოლად გადავალთ:

«ხამს მოყვარე მოყვრისათვის თავი ჭირსა არ დამრიდალ.

გული მისცეს გულისათვის, სიყვარული გზად და ხიდალ».

მაშინ არც ხიდი დაგვირდება, არც საჩივრების წერა და არც ლოდინი. ასე რომ, ნულარ იწუნებენ თავს ხიდის მშენებლები.

გოგია რეთელი



პატივცემულო ნიანგო!

ჩვენი სოფელი ლამისყანა, გარდა იმისა, რომ აქედან დიდი გურამიშვილი გაიტაცეს, კიდევ იმი-თაა ცნობილი, რომ ამ სოფელში არის ბიბლიო-თეკა, რომელიც მუდამ დაკეტილია, ალბათ, იმის შიშით, რომ წიგნები არვინ გაიტაცოს, მაგრამ, რაც შიგ არ არის, რას მოიტაცებენ. ბიბლიოთეკის გამგედ ლამისყანის სოფსაბჭოს თავმჯდომარის მეუღლე თამარ პავლიაშვილი «მუშაობს».

თამარ პავლიაშვილს ოჯახი აქვს და ბავშვები ჰყავს მოსავლელი, მაგრამ ამას საჯაროდ ვერ ამხელს, რადგან მორცხვია. რამდენჯერმე სცადა კიდევაც განცხადების დაწერა—გამანათავისუფლეთ, ბავშვები მყავს მოსავლელი, მაგრამ რაიონის ხელმძღვანელობა და თვით სოფლის საბჭოს თავმჯდომარე ვერ ელევინან, —შენისთანა მუშაქს მეორეს ვერ ვიშოვითო.

ძვირფასო ნიანგო, გთხოვ დაეხმარო თამარ პავლიაშვილს, შეუსრულო დიდი ხნის ოცნება და გაათავისუფლო ბიბლიოთეკის გამგის მოვალეობისაგან.

ვ. ლამისყანელი



ამხანაგო ნიანგო!

ამბობენ, სოფელ ქობულეთის მასწავლებელთა სახლი რომ ნახოს კაცმა, სიცილით მოკვდებაო. ეს არის საცხოვრებელი სახლის ახალი მოდელი. —დამბალ ბოძებზე მდგარი უჭერო და უიატაკო, ნიავზე საქანელასავით მოქანავე ხუხულა. ამ სახლის პროექტის შემდგენელთა მიზანია ჩაატარონ ექსპერიმენტი: რამდენ ხანს გაძლებს სახლი ასეთ მდგომარეობაში, რამდენ ხანს ეყოფათ ნერვები შიგ მცხოვრებ მასწავლებლებს და თუ გადაარჩება რომელიმე მათგანი სახლის დანგრევის შემთხვევაში.


ამ საინტერესო ექსპერიმენტში აქტიურ მონაწილეობას ღებულობენ სოფელ ქობულეთის სასოფლო საბჭო და გაზეთ «ქობულეთის კოლმეურნის» რედაქცია.

ძვირფასო ნიანგო! ეს სახლი რომ ნახო, შენც სიცილით მოკვდები, მაგრამ ძალიან გთხოვთ, რამე გვიშველო, ვიდრე სახლი თავზე დაგვეგრევა და სასაცილოდ მოკვდებით.

ამ სახლის ბინადარნი

საყვარელო ნიანგო!

1958 წლის მარტის ოცდარის წვიმდა, მე კი, წარმოიდგინე, წვიმას არ დაეუსველებივარ, რადგან ის დღე ჩემთვის მზიანი იყო—ახალ ბინაში შეესასხლი ბარნოვის ქუჩაზე № 116-ში. მაგრამ რა ვიცი, რომ ჩემს თავზე უარესი საავდრო ღრუბელი იკრიფებოდა. ჯერ იყო და, შესასხლბისას, სამშენებლო ნაგავმა დაგვახრჩო, მტვრით გაგავსო და გათხუნულნი აბაზანებს ვეცით, შევუნათო ცეცხლი, მაგრამ, ვაი ახალ უბედურებას! ახლა კვამლმა და ტვარტლმა «გაგვალამაზა». თურმე მშენებლებს «გულმაიფიჭობით» მესამე და მეოთხე სართულებს შორის კვამლსადენი რკინა-ბეტონის უზარმაზარი ქვით დაუხურავეთ. ვეცით ქვას, მელუმელუც მოვიწვიეთ, მაგრამ, როგორც ვატყობთ, მთავართბილმშენის მე-2 სამშენებლო სამმართველოს უფროსის ბესო ჩიგოგიძის დახმარების გარეშე ვერც კვამლსადენს მოგუხერხებთ რაიმეს და ვერც იმ საყრდენ კედელს, ეზოში რომ უნდა აეშენებინათ. ახლა იმ კედლის უქონლობის გამო ჩვენი ბაწაწკინტელა ეზო ჩვენს ზევით მდებარე მეორე ეზოს «ხელს ართმევს», ზევითა ეზო თანდათან დაბლა ჩამოდის, მალე ჩვენსას შეუერთდება და მეზობლებიც მოგვემატება. ამ შეერთების ტემპი განსაკუთრებით წვიმის დროს ჩქარდება, მაგრამ ჭირი ის არის, რომ ზევიდან ჩამოსული ლაფი სარდაფებს ავსებს და საქებაზე განყოფილებას წალეკვით ემუქრება (თუ პირველ რიგში ჩვენ



არ წავლექა). ეს საქებავე ერთი დარღვეული, ნაკვით სავესე დაუმთავრებელი ოთახია; სადაც ადამიანს არ შეესვლება. შენ კი კარგად იცო, რომ ჯერჯერობით ქვას ცეცხლს ადამიანი უნთებს.

ამიტომ ვიფიქრეთ, ჩვენ თვითონ შეგვეთო ცეცხლი მთავართბილმშენის მმართველის გაბრიელ ქართველიშვილისათვის და საჩივრების კორიანტელი დავაყენეთ, მაგრამ იქ ყური არავინ გაიბერტყა.


ახლა, საყვარელო ნიანგო, იმას გთხოვთ, როგორმე დაგვეხმარო და ჩვენს დიდ სახლში მშენებელთა მიზეზით დამდგარი მძიმე პაერი გავვაწმენდინო, თორემ მათივე მიზეზით ჩვენს ბინებში სავენტილაციო ფანჯრებიც ნაკვითაა ამოვსებული.

ახალბინიანი

რედაქტორი—ნიკო შველიძე.

სარედაქციო კოლეგია: აკ. ბელიაშვილი, ნ. დუმბაძე, ს. კლდიაშვილი, ნ. მალაზონია, მ. ქარჩავა, ო. კელიძე.

საქ. კ. ცენტრალური კომიტეტის გამომცემლობა



33 60
23/1

ყურადღება!

ყურადღება! ამხანაგო ექსკურსანტებო, გაიხედეთ მარცხნივ. თქვენ ხედავთ სვეტებიან შენობას № 1. ეს არ არის მსოფლიოში ცნობილი რომის კოლიზეი, როკოკოსა და ბაროკოს არქიტექტურული სტილის პოწყინვალე ნიმუში. ეს არის ოქტომბრის რაიონში მარჯანიშვილის ქუჩაზე ცხრა თვის წინათ ფასადრამოცლილი სახლი № 25, რომლის მეტამორფოზის საფუძველზე არქიტექტორებმა მიიღეს ახალი თანამედროვე სტილის შენობა «ხო, ხო, ხო?»

ახლა გაიხედეთ მარჯვნივ, ფოტო № 2. დიდი ქართველი წინაარს ჩახრუხაძის ქ. № 16, კიროვის რაიონი. ნაგავი, რომელსაც თქვენ ხედავთ სახლის წინ, არ არის ერთი და ორი დღის შრომის შედეგი. ეს არის ოთხთვიანი რეზონტისა და რემკანტორის უზალო ზრუნვის ნაყოფი. ვუსურვოთ ამხანაგებს შრომის ნაყოფიერების განუხრელი ზრდა.

ყურადღება მიაქციეთ № 3 ფოტოს. ეს არ არის კადრი რომელიმე დეტექტური კინოფილმიდან, სადაც ფეხაკრეფით მომავალმა ბანდიტმა ზურგში უნდა ჩასცეს გაღუნული ზებუთი წინ მიმავალ მანდილოსანს. ეს არის არაყრუხილის ქუჩა თითქმის თავიდან ბოლომდე. ახალგაზრდებმა ქუჩაში ზელოვნურად მოწყობილ «სარკე-ტელაბოში» გაისწორეს ქორები, წაშწამებ და ახლა არხეინად მიაბოტებენ ტალახში.

თქვენს წინ, ფოტო № 4-ზე აღბეჭდილია ბარნოვის ქუჩა. საქართველო მთელ მსოფლიოში სახელმძღვანელო უამრავი უბედლო კურორტით. მაგრამ ეს ადგილი თავისი ტალახითა და სამკურნალო მინარეების პროცენტით ათასჯერ უსწრებს ცნობილ ახტალას. მართალია, ამ ტალახის ზღვას ჯერ არ ატყვია კურორტოლოგიის ხელი, მაგრამ ხალხი მას «ველური» სახითაც იყენებს. თბილისის ათასობით მცხოვრები იღებს ყოველდღიურად აქ ტალახის თბილ და ცივ აბაზანებს.

გაიხედეთ მარცხნივ. ფოტო № 5. არანაკლები მნიშვნელობის ადგილი თავისი ტალახითა და ნაგავით, ჯავახიშვილის ქუჩა. ოღონდ აქ ტალახი და ნაგავი გამოყოფს მომწამლავ გაზებს და აირწინალის გარეშე გავლა აკრძალულია.

ამით ვამთავრებთ, ამხანაგებო, ექსკურსიას. მართალია, ფეხით ძნელია თბილისის ამ ღირსშესანიშნაობათა შემოვლა, მაგრამ დღეიდან ამ მარშრუტით იმუშავენ ვერტმფრენი დილის 6 საათიდან ღამის პირველ საათამდე.

ნახვამდის, ამხანაგებო!